

# 永樂大典

卷一萬一千八百

四十九

永樂大典

卷一一八四九

永樂大典卷之一萬一千八百四十九 十八養

享 燕享二

燕享燕府元龜後唐 莊宗以天祐八年秋七月會王鎔於承天軍鎔武  
 皇之友也帝奉之盡敬捧危酒為壽鎔亦捧酒醅帝 同光元年六月帝  
 幸保寧鞠場宴泊行營將士賜物有差 八月癸卯以內園新殿成名曰  
 長春殿宴大臣賜分物有差 十月辛巳萬壽節宴長春殿賜百官分物  
 已亥宴於崇元殿 十二月丁亥宴羣臣於嘉慶殿 二年四月庚辰宴  
 武臣於嘉慶殿 六月甲申幸保寧鞠場宴泊行營將士 八月壬申幸  
 皇子繼茂院奏教坊樂飲酒而罷 九月癸卯宴大臣於長春殿丁未又  
 宴羣臣於嘉慶殿辛亥宴吳使盧頊於嘉慶殿大臣單預甲寅帝幸樞密  
 使郭崇韜之私第宣教坊樂置酒會從臣至初夜一更還宮 十月丙寅  
 朔宴大臣於嘉慶殿丁亥宴羣臣於長春殿壬辰嘉慶殿宴近臣 十一  
 月丙寅朔宴大臣於嘉慶殿戊子宴羣臣於嘉慶殿壬辰宴近臣於嘉慶  
 殿甲午命皇子與慶宮使繼茂於會節園宴蜀使許確吳越國使錢珣各

永樂大典卷一萬一千八百四十九

一

賜分物已亥帝幸六宅宣教坊樂宴會諸皇弟戊午幸明宗之第又至宋州  
 節度使元行欽之第飲酒作樂一鼓三籌歸宮 三年正月甲午皇太后  
 生辰御嘉慶殿召諸王家宴極歡而罷丙午宴大臣於中興殿是月帝幸  
 鄆都戊申宴從官於黎陽行宮 二月帝在鄆巳巳擊毬於行宮之鞠場  
 諸皇弟從臣等供奉賜定州王都全鞍御馬鞠罷宴王都於武德殿之山  
 亭宣教坊樂陳百戲俳優角抵夜漏一鼓方罷甲戌文思殿宴王都領賜  
 有異夜久方罷戊子宴於思政殿 三月帝在鄆戊戌宴于內殿丙午帝  
 擊毬於行宮之鞠場皇弟存霸皇子繼茂河中偏將王景高行安等預為  
 往罷宴於迎春殿 四月丁丑宴淮南使曹思邨於嘉慶殿 九月丙午  
 帝於嘉慶殿宴西征都統魏王繼岌招討使郭崇韜客省使李徽諸偏裨  
 將校 閏十二月巳丑朔新授西川節度使孟知祥自太原至正衙見畢  
 帝以知祥外戚之重預成所司出內府供帳珍玩奇絕者別飾宮居以宴  
 之庚午宴諸王武臣於長春殿始聽樂先是七月有月所皇太后之喪至  
 是始聽樂四年二月戊子朔宴武臣於嘉慶殿 明宗天成元年五月甲  
 戌宴文武百寮於長春殿 八月乙未始奏樂宴諸軍將校於長春殿乙  
 巳宴將校於長春殿 十一月庚寅宴契丹降將盧文進及其將佐於長

春殿賜分物有差。二年二月癸未。宴武臣於長春殿。三月壬子朔。幸奉節園。宰相樞密使及節度使在京者。共進錢餉請宴。四月戊子。幸會節園。召宰臣學士在京熟臣赴宴。五月乙丑。宴淮南使車雷峴等於長春殿。七月戊辰。宴在京藩侯。即守統軍諸將。於長春殿。八月癸巳。秦王從榮自鄴中至。泊於至德宮。帝幸其第。宣禁中女伎。及教坊樂。歡宴至晚。從榮進馬及銀器錢餉。帝賜諸伎樂。及行從人等。乘輿歸內。戊戌。宴宰相學士及熟臣於長春殿。九月己未。宴在京藩侯。即守於長春殿。各有頒賜。甲子。宴羣臣於長春殿。賜物有差。乙丑。宴樞密使。及在京節度使。內諸司使等。於長春殿。十月乙未。帝在汴。宴宰臣學士諸將。於玉華殿。丁酉。宴羣臣於玉華殿。乙巳。宴於玄德殿。十一月乙卯。徐州霍彥威。青州符習。入覲。召昇殿。命樂舉酒。語及佐命。決策之事。歡話移時。己巳。宴宰臣學士在京侯伯親衛將校。於玉華殿。勞霍彥威符習。房知溫三帥。壬申。宴玄德殿。彥威等辭也。十二月己丑。宴於玄德殿。兗州節度使趙在禮。入覲。使召赴宴。戊戌。以夏魯奇。趙在禮。入覲。宴于玄德殿。三年二月辛巳。宴從臣於玉華殿。戊戌。開社宴於玉華殿。三月戊申。宴百寮於玉華殿。丁卯。宴從臣於南莊。五月辛酉。幸南莊。宴諸蕃客。入幸西莊。宴

永樂大典卷萬一千八百九

迎鵬使召前節度使赴之。八月戊戌。宴侍臣於玉華殿。九月己丑。帝在汴。宴百辟於玉華殿。十月戊午。契丹署平州刺史張希崇將麾下八十餘人歸闕。見於玄德殿。使召赴宴。十一月壬午。宴宰臣學士及東都留守孔循於麟趾殿。十二月甲寅。幸開封府。六宮從行。宴樂頒賜。四年二月乙巳。北面馳報王都平。收復定州。帝大悅。舉酒稱慶。侍臣善除腹心之疾。賜教坊絹五百疋。內臣進馬。稱賀。戊申。宴羣臣於玉華殿。樂作。王宴球。馳報已獲王都首級。生擒契丹。斃等二十餘人。百官就班稱賀。甲子。帝歸京。丙寅。駐蹕鄭州。宴從臣於行宮。三月丙子。內外輔相在京藩侯。共進鞍馬錢帛。以車駕還京。請開內宴。時潞王自河中入覲。進金銀錢餉。開內宴。壬午。宴於長春殿。乙酉。宴宰相在京節度使。於中興殿。辛卯。宴百辟於長春殿。丙申。幸會節園。召從臣赴宴。四月丙午。宴於中興殿。八月戊戌。宴熟臣於廣壽殿。丁巳。宴大臣於長春殿。九月乙酉。宴羣臣於長春殿。十一月戊辰。宴熟臣於廣壽殿。長興元年。二月己未。宴羣臣於長春殿。剛郊祀行事也。三月丁卯。幸會節園。宴宰臣及諸道入覲。節度使賜物有差。因幸河南府。至夜歸宮。辛未。宴入覲。節度使於長春殿。四月己亥。幸會節園。宴大臣。至暮歸宮。六月。宴羣臣於長春殿。八月

戊申宴羣臣於長春殿 九月壬申宴百官於長春殿 二年三月乙亥宴羣臣於長春殿賜物有差 四月丁酉幸會節園宴宰臣親王內臣及在京侯伯因幸河南府秦王從榮進馬請賜侍宴臣寮至晚還京 五月癸酉宴羣臣於長春殿 九月丁酉宴百官於長春殿 十二月己巳宴近臣於長春殿 三年二月戊午宴羣臣於長春殿 四月宴羣臣於長春殿 九月壬辰宴羣臣於長春殿教坊進新曲奏畢賜名長興殿 四年三月辛卯宴百官於長春殿 十月壬子新授汴州節度使趙延壽赴鎮宴於廣壽殿錢之 十一月甲戌宴錢鎮州節度使范延光發未宴近臣及諸軍將校於中興殿 愍帝應順元年正月戊子宴將相百官於廣壽殿 三月丁巳宴羣臣於長春殿 末帝清泰元年四月戊寅宴文武百官於廣壽殿勅勒金帛有差 五月甲寅宴羣臣於長春殿壬戌平盧軍節度使房知溫來朝及與諸將歸鎮宴於長春殿始奏樂知溫獻奉歡萬計 十月戊寅判六軍河南尹皇子從美進銀錢請開宴近例也 二年三月丙午宴羣臣於長春殿宰臣樞密使前任節度使六統軍進奉捧賜獻壽日之夕而罷辛酉宰臣學士皇子樞密宣徽使侍衛馬部都指揮使共進錢五十萬絹五百匹請開宴 六月己卯鎮州董溫其獻絹千匹

永樂大典卷萬千八百四十九

銀五百兩金酒器供御馬請開宴 晉 高祖天福三年七月宴羣臣於廣政殿賜物有差 八月己丑宴契丹冊禮使於廣政殿賜物有差 四年三月乙巳宴馮道等於廣政殿使迴故也 丁巳宴羣臣於永福殿賜物有差 閏七月甲戌宴羣臣於廣政殿 壬辰宴羣臣於永福殿賜物有差 八月丁丑宴羣臣於永福殿 十二月己酉宴羣臣於永福殿賜物有差 德操錢送昭義軍節度使王建立賜王奔蜀馬 四月丙申朔宴羣臣於永福殿 八月甲午朔宴羣臣於永福殿 十月辛亥宴東平王楊光遠於萬歲殿禮賓使王彥章護聖指揮使何神通以蓄歌唱和各賜物百段 己酉宴羣臣於永福殿賜物有差 六年五月甲戌宴羣臣於永福殿 七月甲戌宴宰臣前任見任節度刺史統軍行軍副使于永福殿 八月戊申宴文武百官于武德殿 九月庚辰宴文武百官于武德殿諸道進奉使夷狄來朝者亦與焉 十月壬寅宴宰臣節度防禦團練使刺史統軍行軍副使于畫堂 十一月乙亥宴宰臣節度防禦團練使刺史統軍行軍副使諸軍指揮使于文思殿諸道進奉使亦與焉 十二月己巳習射於後苑諸軍都指揮使已上悉豫 七年二月己丑御武德殿開宴召新鎮州杜威新涇州王周并應鎮州行營轉運使刺史諸軍都指揮使至副

永樂大典

兵馬使志赴馬。賜物有差。乙未御文思殿開宴。三月丙子御文思殿宴宰臣前任見任節度判文行軍副使。統軍諸軍都指揮使。閏三月丁未御崇德殿宴宰臣前任見任節度防禦團練判文行軍副使。統軍諸軍都指揮使。四月丙辰宴宰臣節度防禦團練判文行軍副使。統軍諸軍都指揮使。于崇德殿。丙子宣廣晉尹齊王就前河中府節度使康福。弟以御厨教坊樂宴召見前任節度。少帝以天福七年六月即位。九月甲申宴班師將校於崇德殿。開運三年二月壬午幸南莊命臣寮泛舟飲酒。因幸杜威園醉方歸內。五年辛未幸六年莊遊船習射夜分方歸內。八月辛酉幸南莊召從臣宴樂至暮還宮。漢高祖即位稱天福十二年。是年十月庚申帝幸郭在御營開宴召從官等。十二月丙戌召文武從官張宴。隱帝乾祐三年三月丙午嘉慶節羣臣入相國寺齋賜教坊樂甲寅入朝侯伯高行周已下以皇帝初舉樂獻銀錢千計請開御筵謂之員宴。戊午宴羣臣於永福殿入朝諸侯貢獻上壽內樂百戲日晏而罷。周太祖廣順元年三月壬午宴羣臣於廣政殿。四月戊申幸城南園賜從官酒食。八月乙未幸班荆館賜從官酒食。丙午宴羣臣於永福殿始舉樂。十月壬辰太祖幸

水樂大典卷萬千八百四十九

城南園賜從官王鏡主舟起等酒食午後還宮。十二月乙未幸城西園賜從官酒食申時還宮丙辰幸城南園賜從官酒食申時還宮。二年正月甲子宴宰相勳臣於廣政殿。三月庚申幸城南園召宰臣近臣諸統軍射。已卯宴羣臣於永福殿。五月帝親征兗州。庚申至班荆館賜從官酒食。甲子次成武宴從官親藩帥于行宮。戊辰至兗州城下。庚午宴從官將校於行宮。丙子以兗州平從臣詣行宮稱賀賜宴而罷。六月丁亥平兗州。迺次鄆州。高行周進錢請開宴。戊子宴從臣將校於行宮。壬辰次澶州。癸巳世宗進奉請開宴。帝召從官將校奏樂。午時宴罷。甲午帝在澶州宴從官將校。八月丙申宴羣臣於永福殿。九月甲寅朔宴宰臣前任藩侯郡守諸軍將校於廣政殿。十月丙戌幸南園賜從官酒食。庚子幸樞密院召近臣賜酒食。又射於後園。十一月庚申內園賜諸軍將校射。十二月己亥宴於廣政殿。壬寅幸西園召從臣射申時還宮。三年正月壬子朔朝賀畢。御永福殿百寮稱觴獻壽。舉教坊樂。甲寅召宰臣大將射于內苑。帝先中的。臣寮獻馬上壽。射罷各賜馬有差。辛巳幸城南園賜從官酒食申時還宮。閏正月癸未宴見前任藩臣諸軍將校于廣政殿。使諸軍大將於廣政殿。戊戌宴宰臣見前任藩臣諸軍將校于廣政殿。

# 永樂大典

卷一一八四九

壬寅幸城南園賜從官酒食申時還宮 二月丁丑幸城南園詔從官射  
中時還宮壬午宴宰臣前任藩帥禁衛大將於廣政殿 三月甲午宴宰  
臣前任藩帥禁衛大將於廣政殿丙午宴宰臣於永福殿戊申幸城南園  
賜從官酒食申時還宮 四月甲寅宴入朝藩使郡守禁軍大將於廣政  
殿趙暉獻上壽馬十匹金酒器百兩乙丑幸城南園賜從官酒食申時還  
宮 五月甲申宴將相於廣政殿己丑宴在京文武將相于廣政殿壬寅  
幸南園賜從官酒食申時還宮 七月丙戌幸城南園賜從官酒食申時  
還宮 八月甲寅宴文武將相於廣政殿丙寅宴宰臣於永福殿 十月  
丙辰幸南園又幸城西園賜從官酒食申時還宮 世宗顯德元年三月  
親征河東己亥宴從官於潞州之衙署 四月丙午帝在潞州宴從官於  
行宮己未復宴從官於行宮 六月庚戌帝在潞州宴從官於行宮 七  
月征河東還甲戌宴文武臣寮於永福殿 八月甲辰幸南園御筵召武臣  
觀射至暮還宮癸丑宴文武百寮於永福殿 九月戊戌御永福殿宴文  
武臣寮 二年八月甲寅內庫法酒初熟帝而賜宰臣樞密使已下數爵  
而止帝因曰朕在位已來不聞臣下有醉者豈朕之方嚴耶臣下畏慎耶  
九月甲子賜宰臣樞密使侍衛諸將已下食於萬歲殿帝因曰兩日已

永樂大典卷萬一千八百九

五

未至甚寒源朕於宮闈之中食珍美之膳但以無功及民何以仰答天恩  
雖躬親庶政日覽萬機亦恐無以勝任當須手執耒耜與民同力不然親  
當矢石為人除害稍可安心耳又曰朕不為賜卿等食因事與言實自責也  
十月庚午召宰臣樞密使節將已下觀射於苑中 三年正月己亥宴  
於金祥殿賞西征之功也 丁未帝登至陳州宴從官於行宮 三月親征  
淮南辛亥宴於行宮文武從官及江南進奉使等悉皆預焉 五月辛丑  
自淮上還次宿州宴從官於行宮 丁未次宋州東京文武百寮來見於  
路左是日宴於行宮 十一月辛卯宴於廣政殿 四年二月辛酉詔文  
武百官起今後每遇入閣日宜賜廊食庚辰帝南征次陳州宴從官於行  
宮 三月戊子朔宴文武從官於行宮 四月南征還次潁州宴從官於  
行宮丁卯次圍鎮宣文武從官及迎駕百寮置酒行宮 五月乙巳宴文  
武百寮於廣政殿 八月乙卯朔御崇元殿文武百官入閣既罷賜百官  
廊食時帝御廣德殿西樓以觀馬命中黃門閱視酒饌無不精潔 九月  
庚戌宴百寮于廣德殿 十月丙子南征至宋州宴從官於行宮 十一  
月乙巳次泗州城丙午冬至宣宰臣及從官已下就城樓各飲以酒 十  
二月丙辰宴從官于行宮戊辰攻下楚州庚午宴于行宮甲戌又宴從官

於行宮。五年正月丁亥，宴于行宮。壬申，帝以楚州平，受宰臣已下稱賀。畢，宴於行宮。二月癸丑朔，又宴於行宮。庚申，至高郵縣，癸亥，宴於行宮。庚午，在揚州宴於行宮。三月庚子，以江南內附，文武從官稱賀，宴於行宮。辛丑，宴於瓜步行宮。江南兩浙朝貢使皆豫馬，庚戌，宴從官及江南進奉使。已下於行宮。四月壬子朔，駐蹕揚州。江南進使買宴錢二百萬，仍遣伶官五十八俱來，癸丑，召從官及江南進奉使馮延巳已下，宴于行宮。江南楊州臨汝郡公徐遠代李景捧壽賜以獻，仍進金酒器御承等，甲寅，駐蹕揚州。宴從官及江南吳越進奉使於行宮。己未，次泗州，宴從官於行宮。甲子，至宿州，宴從官於行宮。戊辰，至宋州，東京文武百官來迎，翌日，宴百官於行宮。丙子，幸迎春苑，玉津園，宣教坊樂。至暮還宮。五月丁亥，宴文武於廣政殿，迎鶴，進奉使亦預之。是月壬辰，帝謂侍臣曰：向來所進食，必分茅豆，今使賜宴，群臣食物，並須頓從所食，不得更有分絲。閏七月庚申，宴文武百官於廣德殿。九月乙丑，賜宰臣樞密使三司使翰林學士中書舍人宴于玉津園，張教坊樂。先是，帝以前代有賜百官觀稼之事，復以是歲秋成，又念內臣之勞，故有是命。十月庚辰，宴文武百寮及諸道進奉使於廣德殿。丙申，宴于廣政殿。十二月乙酉，宴於廣政殿。六

永樂錄卷之萬千四百九

年正月壬子，宴於廣政殿。庚申，帝命諸將大射於鞠場，既而宴於講武殿。乙丑，命諸將大射於鞠場。二月庚辰，宴於廣政殿。三月甲子，宴於廣政殿。壬申，復宴於廣政殿。四月帝北征，戊寅，至澶州，宴從官於行宮。癸未，次博州。天平節度使李重進見于路左，是日，宴于行宮。辛卯，至滄州，宴從官於行宮。五月丙午，至毛橋關，宴從官於行宮。乙酉，還京，賜百官及諸道進奉使宴於迎春苑。宋宋史禮樂志：宴享之設，所以訓恭儉，示惠慈也。宋制，嘗以春秋之季，仲及聖節，郊祀籍田禮畢，迎幸還京。凡國有大慶，皆大宴。遇大災，大禮則罷。天聖後，大宴率於集英殿，次紫宸殿。小宴壘拱殿。若特旨，則不拘常制。凡大宴，有司預於殿庭，設山樓排場，為群僊隊仗。六番進貢，九龍五鳳之狀。司天鶴唱樓於其側。殿上陳錦繡帷，帝垂香毼。設銀香獸，前檻內藉以文茵。設御茶床，器於殿東北楹間。羣臣職學於殿下。幕屋設宰，相使相樞密使。知樞密院參知政事，樞密副使。同知樞密院宣徽使三師三公，僕射尚書丞郎，學士直學士，御史大夫中丞，三司使，給諫舍人，節度使兩使留後，觀察團練使，侍制宗室，通郡團練使，刺史，上將軍，統軍，軍廂指揮使，坐於殿上。文武四品以上，知雜御史，郎中，郎將，將軍，都虞候，坐於朵殿。自餘升朝官，諸軍副都頭以上，諸蕃進奉使，諸道進奉軍

將以上分於兩廡宰相使相坐以繡墩曲宴行幸用板子參知政事以下用二蒲墩如屬毯曲宴樞密使副並同軍都指揮使以上用一蒲墩自采殿而下皆緋絳毛條席殿上器用金餘以銀其曰樞密使以下先居於當侍立者升殿宰相率百官入宣徽閣門通唱致詞謝宰相外殿進酒各就坐酒九行每上來酒羣臣立侍次宰相次百官舉酒或傳旨命醕即進芻起飲再拜曲宴多介不拜或上壽朝會止介滿酌不動中飲更永賜花有差宴訖蹈舞拜謝而退建隆元年大宴於廣德殿酒九行而罷乾德元年十一月南郊禮成大宴廣德殿謂之飲福是後三年開寶三年五年六年七年八年並設秋宴于大明殿以長春節在二月故也太平興國之後止設春宴在大明者十一在含光者六宴日親王樞密使副宣徽三司使駙馬都尉皆侍立軍校自龍武四廂都指揮使以上立於庭其宴與丹使亦於崇德殿但近臣及判史郎中而上預焉淳化四年正月以南郊禮成大宴含光殿直史館陳靖上言古之饗宴者所以省禍福而視威儀也故宴以禮成賓以賢序風雅之作茲為盛焉伏見近年內殿錫宴羣臣當坐於采殿而廊者拜舞方畢趨馳就席品列之序糾分無別及至尊舉爵群臣起立先後不整俯仰失節欲望自今令有司預依品位告諭其有踰越班

永樂大典卷萬千八百四十九

七

次拜起失節喧嘩過甚者並令糾舉又惟飲賜之典以寵武夫大烹之餘故為盛筵計一飯所費可數人之屬厭而將校輩或至終宴之時尚有飲炙之色蓋執事者失於察視不及潔瑩而使然也伏望並申嚴制至道元年三月御史中丞李昌齡亦言廣宴之設以均飲賜蓋得齒高會宜乎盡禮而有位之士鮮克致恭當糾其不恪又供事禁履常定負數籍姓名以謹其出入酒殿之司或虧精潔望分命中使巡察並從之咸平三年二月大宴含光殿自是始備設春秋大宴五年御史臺言大宴起居舍人司諫正言三院使御史並坐于殿廊望自今移升采殿自餘依舊十二月詔凡內宴宗正卿令升殿坐班次依合班儀翰林學士梁顛請以春秋大宴小宴賞花行幸次為四圍頒下閣門遵守從之景德二年九月詔曰朝會陳儀水冠就列將以訓上下彰文物宜慎等威用符紀律况屢頒於條令宜自顧於典刑稍立歲時漸成懈慢特申明制以儆其條自今宴會宜令御史臺預定位次各令端肅不侍喧嘩違者殿上委大夫中丞舉殿委知雜御史侍御史廊下委左右巡使察視彈奏內執殿直以上赴起居入殿庭行私禮者委閣門彈奏其軍直令殿前侍衛司各差都校一人提轄但虧失禮容即送所屬勘斷訖奏仍令閣門宣徽使互相察舉敢蔽匿者糾之



大中祥符元年十二月詔宣徽院御史臺閤門殿前馬步軍司凡內宴臣僚軍員并祇候使臣等並以前後儀制曉諭務令遵稟違者密具名聞其護送歸營又詔臣僚有託故請假不赴宴者御史臺糾奏天禧四年孟集賢院租士衛大宴將更衣羣臣下殿然後更衣更後再坐則羣臣班于殿庭候上升坐起居謝賜花再拜升殿仁宗天聖三年監察御史朱諫言伏見大宴宗室先退免為得禮尚有文武臣僚父子兄弟者皆預再坐欲望自今內宴百官有父子兄弟叔姪同赴再坐時早者先退慶曆七年御史言凡預大宴并御筵其所賜花並酒載歸私第不得更令僕從侍戴違者糾舉熙寧二年正月閤門言準詔載定集英殿宴入殿人數中書二十二入樞密院三十人宣徽院八人親王八人昭德節度使兼侍中曹佺三人皇親使相三人皇親正刺史以上至節度使并駙馬都尉各一人翰林司一百七十八人御厨六百人儀鸞司一百五十人祇候庫二十人內衣物庫七人新衣庫七人內方箭庫三人鈴轄教坊所三人鐘鼓樓一十六人御藥院八人內物料庫九人法酒庫一十六人內酒坊八人入內侍者前後行親事官共五人皇職司職員半分二人御史臺知班一十一人灑

水樂齋卷萬千四百九

八

掃親從官人負已下一百人兩廊親步親從官四十二人提舉司勾押官半分三人提舉火燭巡檢人負一十人快行親從官一十一人支散兩省花後苑造作所工匠等四人客省承受行首八人四方館職掌二人閤門承受行首已下一十八人是歲十一月以皇子生宴集英殿七年九月詔自今大宴親王皇親使相樞密使副使宣徽使駙馬都尉並於殿門外奉湯就賜酒食舊制會食集英西廊之廡下喧卑為甚權發遣宣徽院吳充奏其事故有是命元豐七年三月大宴集英殿命皇子延安郡王侍立宰相王珪等率百官筵賀詔曰皇家慶事與卿等同之珪等再拜稱謝久之王乃退時王未出閤帝特令侍宴以見羣臣九年閤門言大宴不用兩軍妓女只用教坊小兒之舞王拱辰請以女童代之八年詔罷獨故事大宴前一日御殿閱百戲謂之獨看修國史范祖禹言是日進神宗紀革陛下覽先帝史耕甫畢即觀百戲理似未安故請罷之元祐二年九月經筵講論語微章賜宰臣執政經筵官宴于東宮帝親書唐人詩分賜之三年六月罷春宴八月罷秋宴以魏王出殯翰林學士蘇軾不進教坊致語故也是後以時雨未足集英殿試舉人尚書省大禁中祈禱邠國公主未歲皆罷宴凡大宴有故而罷則賜預宴官酒饌于閤門朝堂升殿官雖殿故不

永樂大典

卷一一八四九

從游宴亦遣中使就第賜馬親王中書樞密宣徽三司使副學士步軍都  
 虞候以上三師三公東宮三師三公以下曾任中書門下致仕者亦同凡  
 外國使預宴者祥符中宴崇德殿夏使於西廊南赴坐文使以次歌空進  
 奉押衙次文州契丹舍利從人則於東廊南赴坐四年又升甘州文州於  
 采殿夏州押衙於東廊南頭歌空坐七年龜茲進奉人使歌空坐於契丹  
 刺之下其後又令龜茲使副於西廊南赴坐進奉押衙重行於後瓜州沙  
 州使副亦於西廊之南赴坐其餘大畧以是為準大曆三年議禮局主集  
 英殿春秋大宴儀其日預宴文武百僚詣東西殿庭相向立皇帝出御需  
 雲殿閣門內侍管軍等起居皇帝降坐御集英殿鳴鞭殿中監以下通班  
 起居殿中監少監升殿通喚閣門官升殿攝左右軍巡使轉務起居訖擊  
 鞞執仗侍立餘非應奉官分出次鐘鼓樓節級就位四拜起居次舍人通  
 喚訖分引群官橫行北向東上閣門官贊大起居班首出班使伏跪致詞  
 訖使伏興復位羣官再拜舞蹈又再拜贊各就坐再拜舍人分引升殿席  
 前相向立采殿兩廡官立於席後有違使則舍人引大遼舍人西入大起  
 居贊各就坐贊再拜贊就坐引升西廊次舍人傳事引從人分入四拜起  
 居謝坐並同舍利儀教坊使以下通班大起居看戲人謝升殿再拜內侍

永樂大典卷萬千八百九

九

進御茶承殿侍酌酒訖次贊天武門外祗候東上閣門官詣御坐奏班首  
 姓名以下進酒舍人分引殿上臣僚橫行北向贊再拜舍人引班首稍前  
 東上閣門官接引詣御坐東北向播笏殿中監奉盤醜授班首少監奉醜  
 以酒注之班首奉詣御前進訖少退虛跪興以盤授殿中監出笏東上閣  
 門官引退舍人接引復位贊再拜舍人引班首稍前殿上臣僚席前相向  
 立東上閣門官接引詣御坐東北向播笏殿中監授盤奉詣御前西向立  
 樂作皇帝欽訖舍人分引殿上臣僚橫行北向東上閣門引班首接醜退  
 虛跪興授醜殿中監出笏引退舍人接引復位贊再拜贊各賜酒羣臣再  
 拜贊各就坐羣官皆立席後復贊就坐酒初行羣官播笏受酒先率相次  
 百官皆作樂皇帝再舉酒至殿中少監進羣臣俱立席後樂作欽訖贊  
 各就坐復行羣臣酒飲訖皇帝三舉酒皆如第一之儀上食典奉御進食  
 太官設羣臣食樂作賜祗應臣僚酒食贊謝拜訖復位皇帝四舉酒至典  
 所進酒樂工致語羣官皆立席後致語訖贊百官再拜就坐樂作皇帝五  
 舉酒樂工奏樂庭下舞隊致詞樂作舞隊出東上閣門奏再坐時刻使致  
 隊訖內侍奉御茶床皇帝降坐鳴鞭羣臣退賜花再坐前二刻御史臺東  
 上閣門權班羣官戴花北向立內侍進班齊牌皇帝詣集英殿百官謝花

再拜又再拜就坐內侍進御茶奉皇帝舉酒殿上奏樂度下作樂皇帝再  
 舉酒殿上奏樂度下舞隊前致語樂作出皇帝三舉酒四舉酒皆如上儀  
 若宣侍殿即隨所向間門官以下揖稱宣示殿躬贊就坐若宣勸即立席  
 後躬飲訖贊再拜內侍舉御茶奉舍人引班首以下降階再拜舞蹈又再  
 拜訖分班出間門官則奏無公事皇帝降坐為鞭集英殿飲福大宴儀初  
 大禮畢皇帝遂頓飲福餘酒封進入內宴降出酒既三行泛賜預坐臣僚  
 飲福酒各一醞群臣飲訖宣勸各興立席後贊再拜訖復坐飲並如春秋  
 大宴之儀紹興十三年三月三日詔宴殿設止用緋黃二色不用文綺  
 有司遵守更不創造五月間門修立集英殿大宴儀注乾道八年十二月  
 詔今後前宰相到闕如遇赴宴賜茶共合坐墩枕非特旨並依官品又行  
 門禁諸色祗應人依紹興例並賜精花自是惟正旦生辰郊祀及金使見  
 辭各有宴然大宴視東京時則亦簡矣曲宴凡幸苑園池築觀稼吹獵所  
 至設宴惟從官預謂之曲宴或宴大連使則于紫宸殿則近臣及刺史正  
 郎都虞候以上預宴春後苑賞花釣魚則三館祕閣皆預太祖建隆元年  
 七月親征澤潞宴從臣于河陽行宮又宴韓令坤已下於禮賢講武殿賜  
 襲衣器幣鞍馬以賞澤潞之功也四年四月宴從臣於玉津園乾德三年

水樂齋卷萬千八百九

七月六日詔皇子開封尹宰相樞密使翰林學士中書舍人泛舟後苑新  
 池張樂宴飲極歡而罷是歲重陽宴近臣於長春殿太宗太平興國九年  
 三月十五日詔宰相近臣賞花於後苑帝曰春氣暄和萬物暢茂四方無  
 事朕以天下之樂為樂宜令侍從詞臣各賦詩帝習射于水心殿雍熙二  
 年四月二日詔輔臣三司使翰林樞密直學士尚書省四品兩省五品以  
 上三館學士宴于後苑賞花釣魚張樂賜飲命羣臣賦詩習射賞花曲宴  
 自此始三年十二月一日大宴帝喜御玉華殿詔宰臣及近臣謂曰春  
 夏以來未嘗飲酒今得此嘉雪思與卿等同醉又出御製宣詩令侍臣屬  
 和後凡曲宴不盡載真宗咸平元年二月二十二日宴群臣于崇德殿不  
 作樂二年八月七日再燕用樂二月梅賞花宴于後苑帝作中春賞花釣  
 魚詩儒臣皆賦遂射于水殿盡歡而罷自是遂為定制四年十一月二十  
 日御龍圖閣曲宴詔近臣觀太宗草行飛白哀痛八分書及畫景德二年十  
 二月五日宴尚書省五品諸軍都指揮使以上契丹使于崇德殿不奏樂  
 以明德太后喪制故也時契丹初來賀承天節擇膳夫五人齋本國異味  
 就尚食局造食詔賜膳夫衣服銀帶器帛六年七月二十九日詔輔臣觀  
 粟于後苑御山子觀御製文閣御書及嘉禾圖賜飲是日皇子從游四年

七月十一日詔近臣及冠集馬極觀內苑設宴于玉宸殿十月二十九日詔皇太子宗室近臣諸帥赴玉宸殿筵坐奉觀稻賜宴仍以稻分賜之仁宗天聖二年既禋除百官五表請聽樂而秋宴用樂之半詔輔臣曰昨日宴宮中朕數四上勅皇太后聽樂王欽若以聞太后太后曰自先帝棄天而吾終身不欲聽樂皇帝再三為請其可重違乎明乎上元節乃朝謁宗室上清言啟聖院相國寺送御正陽門宴從官觀燈次日太后召命婦臨觀及春秋大享熾為常夏觀南御莊則琴瑟瑞聖團則穀並宴從官或射不為常皇祐五年後苑實政殿川參謂輔臣曰朕新作此殿不欲植花崇以種麥庶知稼穡不易也自是幸觀穀麥唯就後苑春夏賞花釣魚則歲為之常嘉祐七年十二月特召兩府近三司副使臺諫官皇子宗室駙馬都尉帶軍臣僚至龍圖天章閣觀三聖御書及寶文閣為飛白分賜下建館閣官製觀書詩賜韓琦以下和進遂宴群玉殿傳詔學士王珪撰持序刊石于閣數日再會天章閣觀三朝瑞物復宴羣玉殿酒行上曰天下久無事今日之樂與卿等共之宜盡醉勿復辭因召韓琦至御榻前別賜一大庖出禁中名花金盤貯香藥令各持歸莫不需醉至暮而罷熙寧元年四月御史中丞滕甫言臣聞君命召不使駕此臣子所以恭其上也今

錫宴而有託詞不至者甚非恭上之節也自宴設羣臣非大故與實有疾病無待託詞仍令御史臺察舉二年八月實錄書成皆宴垂拱殿十月脩定閣門儀制所言垂拱殿曲宴富直翰林學士與觀文資政龍圖寶文樞密直龍圖天章寶文閣直學士並赴坐而翰林學士兼他職者不預考之官制似未齊一請自今曲宴翰林學士與雜學士並赴從之元豐五年七月以兩朝國史書成宴于垂拱殿十一月宴景靈宮祠官于紫宸殿元祐二年九月經筵講論語徹章賜宰臣執政經筵官宴于東宮帝親書唐人詩賜之紹聖三年十一月以進神宗皇帝實錄畢曲宴宰臣執政大臣試侍郎武臣觀察使以上并修國史官赴坐元符元年五月詔受寶畢宴于紫宸殿宰臣以下文臣職事官六曹員外郎監察御史以上武臣郎將諸軍副指揮使以上預坐政和二年三月上巳御筵詔令移用它日以國有故宰臣請罷宴故也大觀三年議禮局上垂拱殿曲宴儀皇帝視事畢東上閣門進呈坐圍舍人奏閣門無公事皇帝降坐鳴鞭入殿後問諸司排設備東上閣門附內侍奏班齊皇帝出閣升坐鳴鞭三公直學士以上親王使相至觀察使以上分東西入詣殿庭橫行北向立定班首奏聖躬萬福舍人贊各就坐再拜訖分引詣東西階升殿席前相向立次教坊使以

下常起居次者隨人謝升殿次內侍進御茶床殿侍酌酒訖閣門詣御生  
躬奏班首姓名以下進酒舍人分引殿上臣僚橫行北向贊再拜班首奉  
酒躬進樂作皇帝飲訖舍人贊各賜酒羣官俱再拜贊各就坐羣官皆立  
席後復贊就坐酒初行先宰相次百官皆作樂後率比尚食典奉御進食  
太官令設羣官食酒五行若宣示醜即隨所向閣門揖稱宣示醜躬贊就  
坐若宣勸即立席後躬飲贊再拜內侍舉御茶床舍人引班首以下降階  
橫行北向再拜分班出皇帝降坐上已重陽賜宴儀其日預宴官以下並  
赴宴所就次諸司排設備預宴官以下詣庭中望闕位立次中使詣班首  
之左稍前立中使宣曰有勅在位官皆再拜訖中使宣曰賜卿等御筵在  
位官皆再拜揖舞舞又再拜中使退預宴官分東西升階就坐酒行樂  
作飲訖食畢樂止酒五行預宴官並興就次賜花有差少頃戴花畢與宴  
官詣望闕位立謝花再拜訖復升就坐酒行樂作飲訖食畢樂止酒四行  
而退求會要太祖建隆元年四月十六日帝御廣政殿宴中書門下端明  
翰林樞密直學士文武常參官見前任節度觀察防禦團練使刺史諸  
軍將校諸道進奉使外國蕃客酒九行而罷八月二十三日大宴廣政殿  
上海八月庚午宴近臣於廣德殿江南吳越朝貢使皆預九月辛丑宴近

水樂大典卷萬千八百四十九

且於高春殿後九日又宴於廣德殿皆由宴之九山宴無常惟上所命四  
年八月十一日宴廣政殿乾德三年九月十九日開寶三年九月十七日  
五年九月六日六年九月十三日七年九月五日八年九月一日並宴大  
明殿太祖朝以長春節在二月故止設秋宴二年九月以昭憲皇太后喪  
罷三年九月以脩大內十月十九日大宴廣政殿四年九月十一日大宴  
廣政殿始奏樂昭憲皇太后喪制終也 乾德元年十一月二十三日以  
南郊禮成大宴廣政殿謂之秋福宴三年三月一日大宴廣德殿時長春  
節後未賜宴會孟昶降表使至故緩至海四年八月九日辛丑宴紫雲樓  
開寶元年七月二十日河東叛師大宴大明殿賜宰臣樞密使翰林學士  
節度觀察襲衣金帶四年五月一日受劉徽降大宴大明殿及江南兩  
浙泉州占城三佛齊進奉使皆預九月以郊祀近罷十二月三日以南郊  
禮成大宴大明殿九年四月六日西京南郊禮成大宴廣壽殿賜親王近  
臣列校襲衣金帶鞍勒馬器幣有差賈氏使誅大祖大宴兩泰作上不親  
趨晉泰曰外面下姓正望兩宮哀大宴何妨以得預得步陳次漢得步樂  
官衣衣但令兩中作雜劇更其此時兩難得百姓快活時正好飲酒宴  
樂大祖大喜令兩中作樂宣勸滿殿歡而罷 太宗玉海太平興國

# 永樂大典

## 卷一一八四九

進士賜宴 二年五月戊辰御講武殿 進士賜宴 以下及第始分  
甲次庚午試諸科賜味袍鞋筭賜宴開會考考然二章賜之唐時禮部放  
榜後殿款曲工號開喜宴五代多於佛舍右園則顯德中官為主之上命  
中使典領供帳嘉道三年九月甲中朝試進士如論一首自是以三題為  
準賜朝旦以下及第又賜味袍鞋筭自此為定制 高賜諸科及第始賜  
宴於迎春苑 八年三月丙子賜王世則等及第四月辛卯始就瓊林苑  
賜宴命法行改賜于辟在宮和復舊中興士子中免賜始與十七年十一  
月禮部侍郎周執羔請舉行舊制賜朝喜宴于禮部貢院十八年六月三  
日就宴賜朝喜筭行是二年十一月九日帝御大明殿宴親王及中書門  
下翰林學士文武常參官節度觀察防禦團練使刺史諸軍將校諸州進  
奉使吳越國契丹西南蠻渤泥國使酒九行而罷時始許羣臣舉樂會冬  
至受朝特設此宴三年三月二日大宴大明殿五年三月七日六年三月  
十一日七年三月十一日八年三月十日九年三月二日 惟熙二年三月  
二十八日三年三月五日四年三月四日 端拱元年二月五日並宴大明  
殿淳化元年三月一日二年三月七日三年三月十日五年三月十二日  
至道元年三月二十六日二年二月五日並宴舍光殿太宗朝以乾明節

永樂大典卷一萬一千八百四十九

十三

在十月故止設春宴十一月二十三日以南郊禮成大宴大明殿四年二  
月以親征太原罷六年十二月九日以南郊禮成大宴大明殿端拱二年  
三月詔罷淳化四年正月二十四日以南郊禮成大宴舍光殿 真宗咸  
平二年九月十一日帝御舍光殿大宴羣臣三年九月十日四年九月十  
一日五年九月二十二日六年九月十五日景德三年九月七日大中祥  
符元年八月十七日二年九月六日五年九月十九日七年九月十三日  
並宴舍光殿 八年九月十日天禧三年九月十四日四年九月四日並宴  
大明殿十一月十一日以南郊禮成大宴舍光殿三年二月十一日大宴  
舍光殿四年三月十六日五年三月六日六年三月十四日大中祥符五  
年三月十七日六年三月九日八年三月十九日並宴舍光殿九年三月  
七日天禧二年三月六日三年三月六日並宴大明殿真宗朝始備設春  
秋宴五年十一月十四日以南郊禮成大宴舍光殿 景德元年春以明  
德皇太后喪罷二年二月二十四日大宴舍光殿以明德皇太后喪不舉  
樂九月十一日三年二月二十三日亦如之十一月十六日以南郊禮成  
大宴舍光殿不舉樂是後南郊罷宴唯賜福酒而已三年七月二十五日  
大宴舍光殿始用樂明德皇太后喪再春也四年九月三日大宴舍光殿

以章榜皇后喪不舉樂大祥符元年二月以賜酺罷十二月八日以東封還大宴舍光殿二年三月以賜酺罷三年閏二月二十五日大宴舍光殿前一日大風夜漏未盡微雨及旦景色和霽亭午有黃赤暈瑁雲如苑聚為五色鶴數隻飛翔羣臣在席莫不瞻嘆九月十三日以雨罷文武百官諸軍將校並賜酒食諸司賜與如例四年三月十三日車駕駐西京大宴大明殿四月十三日祀汾陰禮成大宴舍光殿帝作慶成閣宴七言詩羣臣皆和六年九月十三日以雨罷七年八月五日以奉祀禮成大宴舍光殿九年八月十七日詔以愆雨罷 天禧元年二月以賜酺罷九月十三日詔以蝗災罷二年九月以賜酺罷四年三月十八日大宴舍慶殿內出牡丹花分賜羣臣帝作紫牡丹花賜花七言詩命近臣和 仁宗天聖二年九月十八日帝御會慶殿大宴羣臣三年九月二十三日四年九月二十五日五年九月二十六日六年九月二十三日七年九月二十日八年九月二十九日九年九月二十一日並宴舍慶殿景祐三年九月二十四日四年九月二十三日五年九月二十二日寶元二年九月二十三日康定元年九月二十五日二年九月二十三日慶曆二年九月二十九日三年九月二十三日四年九月二十一日五年九月二十四日六年九月

永樂大典卷萬千八百九

尚

二十二日皇祐元年九月二十七日三年九月十八日四年九月二十五日 至和元年九月十八日二年九月二十四日嘉祐二年九月二十九日二年九月二十六日五年九月二十八日六年九月二十四日並宴集英殿十一月二十三日以南郊禮畢大宴舍慶殿三年正月十一日大宴會慶殿四年正月九日五年正月九日六年正月九日七年正月九日八年正月九日九年正月九日十年正月九日並宴舍慶殿明道二年正月十日景祐三年三月九日五年三月二十七日慶曆二年三月三十日三年三月十七日六年三月七日皇祐二年三月十八日四年三月十九日至和二年三月二十四日嘉祐二年三月二十三日三年三月十八日四年三月二十一日五年三月二十六日並宴集英殿十年九月以大內大罷明道二年三月二日以耕籍禮成大宴集英殿九月以章獻明肅皇太后喪罷 景祐元年以章獻明肅皇太后喪罷春秋宴二年九月十三日始大宴集英殿以兩午時罷四年二月十七日詔以莊憲皇太后祔廟方畢罷 寶元二年三月以魏國夫人喪罷 康定元年三月二十三日以風靈罷二年二月二十二日詔以豫王喪罷 慶曆四年三月以燕王喪罷五年三月四日詔以安國夫人在殯罷七年三月十三日詔以歲旱罷

九月七日詔以河北水災罷八年三月二日以兩罷八月二十三日詔以  
河北京東西水災罷 皇祐元年三月六日詔罷二年八月十三日詔以  
明堂禮近罷十月十二日以明堂禮成大宴集英殿五年三月十三日詔  
以三聖御衣進發罷九月八日詔以郊禮近罷六年三月十三日詔以日  
食罷至和三年三月二十四日以帝不豫罷八月三日詔以恭謝近罷  
嘉祐元年九月十八日詔恭謝禮成以十月五日賜飲福宴後以來詣神  
御殿恭謝罷四年八月十五日詔以裕饗近罷十月二十六日以裕饗禮  
成大宴集英殿六年三月十七日以宰臣富弼母喪罷七年三月十七日  
詔以久旱罷七月八日詔以明堂禮近罷十月十三日以明堂禮成大宴  
集英殿 英宗治平二年九月二十二日以霖雨罷三年九月二十七日  
帝御集英殿大宴羣臣 神宗熙寧二年八月四日以兩朝實錄成宴近  
臣于垂拱殿修撰徐鉉許官預九月二十四日上御集英殿大宴羣臣三年  
九月十五日五年九月十三日六年九月二十六日七年九月二十二日  
八年九月十九日九月二十八日十年九月十九日元豐元年九月  
二十九日二年九月二十二日六年九月二十二日並宴集英殿閏十一  
月五日以皇子生大宴集英殿二年二月二日大宴集英殿五年三月二  
十二日六年三月二日七年三月二十二日八年三月十三日十年三月  
十七日元豐元年閏二年三月六日五年三月六日六年二月十八日七  
年三月十八日並宴集英殿四年三月十七日詔以陝西出師罷春宴十  
月三日以明堂禮成大宴集英殿 玉海五年七月二十八日兩朝國史成  
宴垂拱殿七年三月丁巳大燕羣臣于集英殿皇子延安郡王年九歲立  
侍于御座之側在僕射王珪車百官進賀及升殿上命珪與王相見久之  
王乃退王未出閣上特令侍宴以是年九月二月十三日詔以南方出  
師罷春宴元豐三年以慈聖光獻皇后喪罷春秋宴四年亦如之五年九  
月以帝不豫罷秋宴七年九月十四日大宴集英殿以帝服藥酒五行罷  
哲宗元祐二年九月十八日大宴集英殿五年九月十四日七年九月  
十九日並宴集英殿三年二月十二日以重九陰罷春宴八月二十二日  
以魏王出殯罷秋宴四年三月十六日以時雨稍愆罷春宴十月八日以  
明堂禮成大宴集英殿欽福也五年三月十八日以時雨未足罷春宴六  
年二月十二日以三月集英殿試舉人罷春宴以明年三月十日大宴  
集英殿八年三月二十三日紹聖四年三月二十五日元符元年三月二  
十三日二年三月二十日並宴集英殿八年九月以宣仁聖烈皇后喪罷



秋宴紹聖元年二年春秋宴亦如之三年三月二日以尚書省火嗣濮王宗綽喪罷春宴九月十三日以邠國公主未嚴罷秋宴四年九月以擊出西方罷秋宴元符元年五月十一日以受寶畢宴紫宸殿九月二日以霖雨罷秋宴二年八月二十二日以皇子生宴集英殿徽宗政和元年三月十七日大宴集英殿七年三月一日八年三月八日宣和二年三月十七日四年三月十日五年三月六日七年三月九日並宴集英殿終五年三月二十八日詔罷春宴是月九日崇恩太后崩五年九月八日宴集英殿宣和二年八月二十八日三年八月二十五日七年八月二十七日並宴集英殿終並明孝宗乾道元年四月二十六日宴宰執以下及全國報問使副于紫宸殿二年正月五日宴宰執以下及全國賀正旦使副于紫宸殿自此至九年同上海淳熙二年五月辛卯賜輔臣燕于澄碧苑苑中上曰朕嘗觀無逸篇其後世應繼又語及君臣相遇之難又沈梅用八不可分別黨與所當盡公又曰朕常日所行乃執其兩端用其中於民上曰今日所謂主而論道豈不勝殊竹管絃葉衡等各起謝夏啓約堂之會周武在鏡之飲易著需雲之象書記素秋之篇周歌宴錫漢梁橫沙乞樽尚膳五載為至四演為杯有知連練酒駕方軒千鍾電輪萬

永樂大典卷一萬一千八百四十九

去

後至紫陽為丹赤也天開龍蟠日麗蟠峰冠蓋雲集博望星陳需雲上復甚露下滋置酒于額又之堂故樂于碑萬之寓種于石之鍾立萬石之盧樓若逸春金鼓迭起璉珠附駘洞心駭耳陰陽為有造化為宰食元氣酌太和雲油兩膏息鴻濛而澤江漢葆份陳階金軸在席威奏翹舞奮動即請上膺萬壽下使百福五筵之堂九凡之室大小定位左右有秩會中錄饋交錯文質饗有嘉樂宴有庭實登降好賜儀象畢出攝勞贈賄率禮無失單鳳袖結丹旆在燕為祖孔碩或增或久為更孔庭為賓為客獻酬交錯禮儀平度蓬豆有楚殺技維林鐘鼓既設樂醉逸逸庭燎斯晰璧玉華光更慈露洽聖涯天浮百末旨酒酌使全量亦既醉止于各樂兮意過加遠恩侯置醴天錫難老如岳之崇香和吐氣踴德詠仁外舉百品酒正六物台鼎資危天星奉酒奉后庚止有來雍雍豐者萬里旨酒千鐘禮儀平度物有其容晰晰庭燎喧喧鼓鐘禮充樂備蕭韶九成笙樂飲酒酣而不盈賓之初足萬壽濟深既朝乃宴以洽百禮觀頌養正降福孔寬

永樂大典卷之一萬一千八百四十九